

蓋平縣志序

志以紀地紀人紀物紀天時紀風俗也。紀地則封疆原隰巖壑津

梁係焉。紀人則忠孝節烈文章德誼列焉。紀物則昆蟲草木禽魚獸畜登焉。紀天時則日星雷雨風霜冰雹彰焉。紀風俗則奢儉黠直良窳貞淫著焉。取詳不取略也。國有史邑有志。邑知郡合郡知省。合省知天下。俾天子不出殿廷而周知海內者。志爲之也。是以寧取詳毋取略。然以言乎蓋平。有不能獨詳者。太祖太宗肇基以來。奄有九有。盛京近地。其一時從龍之家。皆入京師。老成既遠。又無圖籍。雖欲詳之。亦烏從而詳之。考之故明。蓋平爲蓋州衛。南則復州。西南則金州。皆以衛稱。無有專志。附於遼東舊志者。並海州爲四。雖云沃野。所得而志之者。亦略不及詳。今上之三年。始以奉天通志

卷二百四十二 藝文二十 文徵十四 外編 文 清三 十七

蓋州作蓋平縣。設令主之。建議招徠。填實茲土。素非土著。何能問以人物風土之所自出哉。今奉憲檄。催成是役。所可按形而紀者。祇有山川不改。其餘皆闕而不詳。詳以耳目所及者。上之尹憲。以達天子。其間之泰輿輿製者。幾何家。械機善我者。士幾何序。麟遊鳳囀者。幾何聖瑞。枝連草朱者。幾何物。職臣克忠。子克孝。友克信者。幾何卓行。尙以俟後之宰是邑者。集萬人而居之。勿使土滿且舒之歲月遲之。百年生齒蕃育。富教備至。感天澤而應地靈。鍾爲人傑。發爲物華。而後漸以書之可耳。若夫境內山川之事。則有斯志在。不敢以略謝也。

張鼎彝 直隸天津府人 知縣 乙卯年

前盛京通志序

張鼎彝 直隸天津府人 知縣 乙卯年

奉天通志 卷二百四十二

藝文二十 文徵十四 外編 文 清三

志何昉乎。禹敷土。奠山則壤成。賦爰作。禹貢。葩經採列國之風。詞

加詳焉。其義一也。後世風俗通。食貨志之風。皆襲其枝庶者耳。然則志也者。一方之文獻也。卽所以爲治也。取一方之所具而縷析之。山川田賦有紀。城郭宮室有紀。人物風俗有紀。前言往蹟以訖。昆蟲草木之微。靡不有紀。士君子披卷而細繹焉。體國經野之道。統是矣。郡之志重乎邑。省會之志重乎郡。地有廣狹。事有煩簡。所關者大。則舉者尤。職其要也。況創業垂統。基萬事無疆之休。煌美邪。岐豐鎬者乎。盛京爲我朝龍興地。太祖神武天賜。攻無不取。戰無不克。大業於焉託始。太宗乃聖。乃文。任賢敷教。百度釐修。遐邇豫附。已具撫有寰區之槩。世祖定鼎燕都。天庥滋至。禹甸周疆。悉隸籍於職方氏。要唯宏前聖遠左不顯之緒也。我皇上宵旰圖幾。

奉天通志 卷二百四十二 藝文二十 文徵十四 外編 文 清三 十八

禮明樂備。追述祖功宗德。纂修大清一統志。以昭示來茲。爰勅奉天府尹。先修盛京通志。以便彙輯。爲諸省弁冕。粵稽往乘。秦漢以來。遼地界在邊陲。竹策寥寥。無足異者。迨遼金建邦。啓土。文治未光。記載仍多闕略。明改郡縣。爲衛所。雖舊有遼東志。兵燹之餘。無復臺簡。維時幅員狹隘。未有如今日混同愛渾諸地方。數千里之廣。悉歸版圖者也。稽攷莫資。撰述罔據。是以珥筆者。恆深舛漏之虞。我皇上灼知其故。申命府尹。會同奉天將軍。寧古塔烏拉等處。凡從古輿圖所未備者。咸搜採弗遺。弗訛。於是京兆臣董秉忠。仰體宸衷。率二三守令。夙夜敬勤。以勤厥事。不期年而告竣。猶歎休哉。誠千秋之曠舉也。臣鼎彝承乏。典學茲土。校士之暇。爲取其略而三復之。因思是役也。非徒焜耀史冊。侈方輿之雄闊。我皇上蓋

有尊祖敬宗勵精圖治之深意存焉。志山川疆域如誦天作高山，庶無忘祖宗發祥之有自。志城郭宮闕如誦皇門應門，庶無忘祖宗締造之維艱。念祖宗分職亮采，董正百司，志官制恍然周官立政之書也。念祖宗貽謀勤儉，開國忠厚，志風俗恍然京察剝棗之什也。重農勸穡不溢惟正之供，則祖宗所其無逸之宥密可法也。爲之志田賦，崇儒重道，扶進人文，則祖宗善我棧樸之雅化可式也。爲之志學校，長白鶴綠挺秀鍾英，至本朝而天地之靈蘊無復祕藏，從龍崛起一德一心，則祖宗知人善任之賢哲可師也。爲之志人物，若夫前言往蹟必錄，昆蟲草木必登，則祖宗寶善拜昌不貴異物之德固有無在不存者。繼自今聖子神孫紹休御極，咸知取祖宗之所以治遼者治遼，且將咸知取祖宗之所以治遼者治奉天通志。【卷二百四十二】藝文二十 文徵十四 外編 文 情三 十九

新建文廟記

八年 十

自精一相傳以來，木鐸一振，道隆千古，奚待創建殿宇然後知尊聖人耶。然而天子辟雍，諸侯泮宮，當視學之日，大昕鼓徵，天子猶皮弁釋菜，經筵講官儼然以先師臨之，庶幾在學子弟入其廟，聆其義，如親其人。惜曰：夫子已往，吾不信也。開邑設於康熙三年，首任何令尙率百姓廬幕於茲，他未遑圖，乃孜孜焉以廟爲首務。僅於縣治東南隅置草殿三楹，不止明堂兩廡，泮池未備，卽所謂宮

牆數仞者尙未暇謀及也。斯時也，制科初設，青衿乏員，何令僅於朔望謁茲草堂，至春秋丁日伐鐘鼓，獻帛爵，皆如禮焉。誠謂五方雉處，剛柔緩急，非禮樂無以齊之，故欲民之歸於和厚也。斷自學校始，今余歷任二年餘，躬率文武生員及夫社學子弟，築垣爲藩，立櫺星門及左右二坊，餘地東西計十四丈，南北計三十丈，務使足以爲明堂兩廡地者，以俟異日縣令培育人材，興隆學校，則譽髦斯士，孰不望宮牆而興起，上以咏王國之菁莪，下以厚邊隅之風教，豈獨增輝俎豆，僅鳴辟雍之鐘鼓也哉。是爲記。

開原縣志序

七年 午

道之大原出於天，天地果無初乎？書契之登取諸夬，人生果有初乎？欲於無初者而近遡焉，宜以人事定之。於是初者而遠遡焉，更奉天通志。【卷二百四十二】藝文二十 文徵十四 外編 文 情三 二十

宜以天道定之。天耶？人耶？是史是志而已。離人不可以言天，卽志實可以傳史。然史邊敘前漢，則曰記，班固敘後漢，則曰書，三國曰志，五代曰史，立名雖殊，要謂一代規模之隆俾，上下千百年間，開卷如觀，卽晉乘櫛枕，何嘗不與春秋並列哉。春秋文因舊冊，更以左氏傳之，不得於經，則得於傳。雖曰魯史也，實志也。觀二百四十年間，比事屬辭，如城成周，城郕費，新作南門，卽其所以志建置乎。虎牢下陽，則志關，梁紂田易，許反我汶陽濟西田，志疆域也。稅畝丘甲志丁糧徭役也。鸛鵒來巢，非地所產，則曰來，謂物產志。家父聘宰周公，會具爲官師何如，乃若蔡季歸高子盟，又人物表著當時而韓起之觀易象與魯春秋吳札之觀樂志藝文也。他如錫飛獲麟，其於物變祥異也，又更悉矣。故因春秋而博爲史，因史而悉

爲志其實無異同也。余初升諸司馬時，已旨勅各直省修志矣。諸邑或有舊冊，不過略爲損益。茲邑也，素附全遼中，奚啻尺錦一縑，兼之舊舊乏人，無可徵稽。奈府憲徵之再三，余謹於今歲夏，偕一二耆老，傍搜廣索，大約凡應有而已具者，固不敢沒，即應有而未具者，復不敢略。始建置，終藝文，直使一邑之疆理山川賦稅丁徭學校甫興，則人文秀發不止。良孝義奇偉一世者，靡不畢舉，卽一物之微，或脫穎殊衆，必備錄焉。幸二三子不憚涉獵，以勸厥役。余因參其可否以訂之。唯務事迹是詳，故於辭有所不暇計也。今於初冬告成，於以供之天府，雖不足耀蜀錦之彩，卽聖天子冠冕萬國，襟帶山河，抵掌而談之，亦庶幾乎湊輪之輻耳。

韓炎

四見十一

奉天通志

卷二百四十二

藝文十 文徵十四 二十一

李國亮去思碑記

康熙二十八年上省方南巡，咨訪吏治，登陟賢才，以江淮八州東南重地，富教是賴。厥維方岳恆難慎其人，程功懋勞用畀我公。時公觀察江南已三年矣，僚屬賢否，治行得失，財賦充訕，物力盈耗，本業勤窳，風俗愚巧，靡不曉暢。甫下車以寬大立體，以平恕近人，以勤敏決事，而尤以公廉律已。江南賦重甲天下，出入有耗羨，沿爲例不可破。其或漁府庫之財爲囊橐，而簿書文具不可句稽，公以爲大恥，一掃而更之。其入於官者無毫釐之溢也，入如其出。其出於官者無毫釐之減也，出如其入。官無所取於其屬，而留有余於州縣者無窮。州縣無所奉於其長，而留有余於民者無窮。其一切受財於府庫者，莫多於餉，維時維平而留有余於兵者亦無窮。

奉天通志

卷二百四十二

藝文二十 文徵十四 外編 文 清三

先是撫臣以遷去，公署理月餘，屬鄰省有警，勤奸惠良，咸懷並著。民既悅服，至是政教大施，奏結常最。會有撫奏公決獄時事者，吏議竟坐是誅公鵠秩去官。公聞卽趣具文書，受代庫藏，無慮大萬。綱目繁碎，歲時積歲，瑣科條未易計者，公一旦交手付去。如傳舍而八州之民扶老攜幼，奔走借來，訴督撫兩堂，願借公活我。乃至武夫悍卒列狀幕府，遮留者相望無虛日。既不得請，哭泣載塗。而我蘇爲公駐節地，民尤歌思愛慕不忘。則相率爲祠虎邱山之麓，而以時祝公。咸曰：飲我，食我，我公來，思我公遠而我心傷悲。或又曰：我公於茲，一方受祉，我公於朝，萬邦燕喜。祠宇旣成，孔固孔安，地不其斥，飾不其侈，用昭公之儉素。大吏之來吾鄉，祠於茲山之上下者相接，公獨卓卓無愧。咸願伐石爲記，示勿壞，而以屬余。余奉天通志

卷二百四十二

藝文十 文徵十四 二十一

外編 文 清三

不文，不敢溢美，質書始末，用垂永憲於後祀。公李姓名，國亮，字寅公，奉天人。壬子舉人，由蒲城令歷今官。

章經

承江 知縣 人

盛京賦

惟爾沛之開基，膺天授而御寓，掘寶錄以乘乾，欽摩造於聖祖。事懋昭於文德，先赫濯以神武，大業者定於永年，宏功超軼乎振古。拓關朔方，又安東土，政教覃施，黔黎綏撫。用是於瀋水之陽，遼濱之上，相度川原，審察脈廣，興言陝區，厥地增爽，正向出離，規方則壤，慮力役之下徵，詔發金於大帑，趨事急於子來，不日成於民往。崇墉屹立，鐘表鸞倚，俊閣雲飛，雲中麗時，下臨百尺之蟠池，上轟千仞之煙雉，嬰堞資夫巨防，結隅稱乎堅壘，創四埒兮法日行之。

五二四一

四隅闢八門兮象地維之八極九重城闕儼然虎豹之衛翼六服方輿混若微茫爲第宅此誠衍沃雄圖實爲扼塞固國於時萬里阪心咸當天澤百靈效順仰承帝德廣運信貞自靡藉乎迅步之測上腴綺錯更莫計其收歸之籍樓櫓旣掃景卿咸集弓矢蹈干戈戢七表寧八荒一榮光塞河慶雲耀日奎聚五緯喜起百辟豈惟播諸絃誦定已載之史冊綸祥發之靈基眞形勝之華域羣巖峯聳聳秀大邦二波瀾漫據游帝鄉歌大風於沛里賦洪露於岐陽擬瑯琊主兮羅辰居恍彤雲兮護天間燦璇宮之瑞霽兮集錦殿之神光規度式崇於太乙兮宏麗奚羨乎未央丹墀青鎖班列鸞行行紫禁黃扉宿衛龍驤右城左干端重拱於乾綱前朝後市標建極於明堂若夫秩宗和神人之典司徒授登耗之書秋署推平奉天通志 卷二百四十二 藝文二十 文徵十四 二十三

反之情虞部掌敷澤之區龜貅猛士元戎佩符箕畢異情岳牧呈謨庶司各制惠囑羣類咸悅早儲廊候侯甸鞏壯皇圖請觀康熙之盛概已覩恬養之康衢九有淳龐營東爲最五達中達三條四會鳴朝士之珂馳勳裔之轡錦驕聯鑣繡幃結駟輪蹄接跡跋涉踵至貨殖鱗層閭閻櫛比雜沓紛塵喧闐動地孔道臨內庭之命節廟驂過殊方之貢使顯窮蔥鬱雲繞蓬萊輦轂幸巡星平泰隴山川色騰草木麗裁人習安於化域物競躋於春臺余也欣逢翊運恭際昌期謬榮首邑備員京畿親作豐之景物式在篇之威儀爰公座之維暇聊揮筆以敷詞 京旗 志 卷

巨流河辭

巨流河者古之遼水也其源自西北千里而來綿邈紆折激流奔

駛勢挾風雷秋晚臨渡感觸曠懷因爲辭曰水浩瀚兮瀉長河懷渺渺兮歎然過迅電疾兮走龍球招舟子兮浮中流決濟無極兮千里色塞寒日落兮孤煙直原草白兮水際碧條香兮日將夕叱馭前馳兮何敢憚乎行役 周志煥 知縣 人

開原縣文廟記

歷觀世之盛也比戶絃歌崇儒明道必自學校始鄉學三代異名國學遞仍其號鄉學卽今之郡縣學也講道明倫接洙泗之淵源續斯文於不墜養老而教射尙德而毓才無不出於是也典最盛矣值今聖天子稽古右文躬親釋奠經筵講學博徵碩儒聖賢之道昭明於世誠唐虞三代之時也近又奉俞旨敕滇黔諸省各官奉天通志 卷二百四十二 藝文二十 文徵十四 二十四

創建學宮使山陬蠻瘴之區得沾聲教矧畿輔近地輿輿臨幸若開原者而文廟茅茨不翬土階湫隘豈所以尊崇先聖之意乎但斯邑建立未久前任何公金序披荆剪棘棚茅屋三楹奉祀聖賢繼任劉公超凡復立櫺星門外置左右二坊規模已備惟兩廡神牌俱未之設煥司牧是邦踰越二載心懷修葺力不能逮今敬捐資購工以瓦易茅飾聖殿而重新之置四配十哲兩廡先賢先儒神位蓋欲爲荒邑尙斯文之統以觀揚我皇上文治之盛卽瞻仰宮牆者或亦有所感發焉 原旗 志 卷

飲水詩詞集序

余卽哀容若詩詞付之梓人刻既成謹泚筆而爲之序曰嗟乎謂

造物者而有意於容若也。不應奪之如此其速。謂造物者而無意於容若也。不應畀之如此其厚。豈一人之身有可解不可解者邪。容若與余爲異姓昆弟。其生平有死生之友曰顧梁汾。梁汾嘗言。人生百年一彈指頃。富貴草頭露耳。容若富思所以不朽。吾亦甚思所以不朽。容若者。夫立德非日暮聞事。立功又未可預必。無已試立言乎。而言之僅僅以詩詞見者。非容若意也。并非梁汾意也。語云。非窮愁不能著書。故之人欲成一家之言。網羅編纂動需歲月。今容若之才得於天者。非不最優。而有章服以束其體。有職守以勞其生。復不少假之年。俾得殫其力以從事於儒生之所爲。噫嘻。豈真以畀之者奪之。而其所不可解者。即其所可解者邪。梁汾從京師南來。每與余酒闌燈燼。追數往事。輒相顧太息。或泣下不奉天通志

卷二百四十二

藝文二十 文徵十四 二十五

可止。憶容若素矜慎。不輕爲文章。極留意經學。而所爲經解諸序。從未出以相示。此卷得之梁汾手授。其詩之超逸。詞之雋婉。世共知之。而其所以爲詩詞者。依然容若自言。如魚飲水。冷暖自知。而已。區區痛惜之私。欲不言不忍。姑述其大略如是云。時康熙辛未秋。仲書於廣陵署之語石軒。

陳夢雷

庚戌歲上端月八日

遊千山記

余居東十有二年。秘聞巫閭。千山之勝。徒託之神馳夢想。竟未獲一騁足寓目。每追憶少年時志願。願有建豎當世。然後拂袖歸里。策杖五嶽。備歷洞天福地。庶幾大慰生平。而馬足車塵所經如秦岱嵩高五臺西湖諸名勝。皆以行役逼迫。信宿之遊不足

快意。遂不復措足。至今日欲一問津。了不可得。因歎天下事失之當前。悔於異日者。皆宜作如是觀也。歲癸酉。上海吳全陽道人館於余。私與及門鐵生式之訂。訂千山之游。招余偕往。余以諸生大比之期已迫。爲辭。越明日。費子定侯。席子寧武。傅子平六。莫子宗程。會請曰。昔人謂太史公周行天下。名山大川。故文章跌宕有奇氣。比閉戶促膝已久。亦思一豁胸襟。將乞靈山川。爲筆墨助。先生其許我乎。余諾之。乃以孟夏之六日東裝。余同年劉子端聞之。欣然與俱。余與道人子端皆乘車。諸生騎具。纓轡以從。獨莫生以覓驢後。出城南數里。平原若繡。春漲初盈。涉瀟泉抵小遼水。亂流以濟。是日風大作。驚沙觸面如刺。距遼陽猶數十里。乃宿煙臺。翌日涉東梁。飛流奔駛。澄澈見底。宛若建溪舟行也。每憶古語有居就糧

奉天通志

卷二百四十二 藝文二十 文徵十四 二十六

梁水魴之語。市魚於肆。食之甚美。不亞河豚。午後望見高原之上。雉堞完固。中一殿巍然者。我太祖創業之新城也。又里許抵遼陽。則敗闌荒臺。頽垣廢井。一望愴然。其負山帶河。三城前後鉤帶。土沃草肥。城東北一都會。我朝於榛蕪瓦礫中招徠。生聚十餘年。而生齒漸繁。市里填溢。而昔日可知矣。是日逾齊家嶺。嶺崎嶇多石。車不可度。乃令車僧寺。皆以騎行。晚宿廟兒臺。則千山在望矣。地非孔道。無逆旅。田間主人張氏。具鷄黍甚恭。蓋遠左舊俗。行者千里不齎糧。雖土曠人稀。易給使然。亦遺風之厚也。自小廟臺南行入山五里許。石徑逶迤。山花亂落。鳥聲上下。已曠然非復人世矣。已而巨石嵯峨。危峰入漢。如俯如墜。皆定侯平六舊遊之所。以鞭指曰。若爲羅漢洞。若爲無梁觀。仰望使人愕眙。謂必不可上。而

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>